

docriver 文川网
古籍书城
入驻商家
获取更多电子书
在文川网搜索古籍书城

中國方志叢書·華中地方·第一七九號

據

明朝 沈朝宣 撰
明嘉靖二十八年修，清光緒十九年校刊本


影印

浙江省

嘉靖仁和縣志

(二)

成文出版社有限公司印行



中國方志叢書·華中地方·第一七九號

據

明嘉靖二十八年修，清光緒十九年校刊本
沈朝宣撰


影印

浙江省

嘉靖仁和縣志

(三)

成文出版社有限公司印行



10105953

中華民國六十四年 月壹一版

嘉靖仁和縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司


內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

水 64/12

嘉靖
和縣志



光緒癸巳
武林丁氏刻
陶清宣署

欽定四庫全書總目

嘉靖仁和縣志十四卷

編西湖遊覽
保進本

明沈朝宣撰朝宣字三吾仁和人官江陵知縣

此志撰於嘉靖己酉凡例謂藝類悉依洪武

志案西湖遊覽志云洪武初徐一夔著杭州府

志頗稱簡明則所據者一夔本也體例頗謹

較他地志之冗濫差爲勝之其稱杭州府舊志

備載詔赦蓋用咸淳臨安志例不知其時臨安

爲都城所以備錄明代已非都城卽爲贅文其

說最協至於碑刻之文祇載其目使後世無從

考證則失之太簡又引用諸書或足以己意皆
不著其所出則益啟杜撰之門矣其書舊未刊
板萬曆中諸生鄭圭有鈔本爲邑令周宗建攜
去

國朝順治丁酉錢塘知縣沈某於宗建家求得之
邑人朱之浩始爲傳寫之浩跋稱其時贅細註
略而不詳尙需增輯云

仁和縣志序

惟仁和杭郡首邑也郡昔有志而諸邑彙載未有專志斯邑者三吾沈子曷爲志之沈子籍斯邑每以闕志爲念第賓于京董于涿尙未遑也迨陟尹江陵卽引恬而歸日惟邑志是圖博稽郡志旁采神官徧歷坊隅廣詢故老越八載而會萃成編其諸田賦戶役則有司存爰質于邑合成齋王侯悉錄以畀郡守玉山巖公式嘉厥成而沈子之志於是乎慰矣乃鳩工繕書圖惟鏤梓以傳謂予亦籍斯邑盍識諸簡端予自歸田雖日稽古典恆以弗克述作爲愧顧謔志成

曷任欣羨敢不敬識夫志之爲義大矣哉君子所以
章往而示來也越稽周禮邦國之志小史掌之四方
之志外史掌之肆凡邊方小邑罔不有志矧元服首
邑乎蓋以天道則星野載焉以地道則疆域載焉以
人道則文獻載焉否則前罔攸徵否則後罔攸釋志
之不可以已也如是然學弗博者鮮克詳識弗精者
鮮克實志弗篤者鮮克終矧或畏難而止或避嫌而
止或憚勞費而止未如是焉攸成惟三吾子宿學多
識而加之以篤志是故因略以致詳因名以求實因
舊以增新雖遠涉不以爲勞雖下詢不以爲恥雖捐

服器不以爲費凡聞一善行見一古蹟欣然有喜色
日研諸慮以載諸牘夫豈爲是干譽哉蓋欲展素蘊
故不畏難不避嫌而汲汲圖之耳夫首之以星野而
天道昭矣次之以疆域而地道昭矣次之以文獻而
人道昭矣羣分類聚綱舉目張而以紀遺終焉亶哉
可與章往可與示來矣吾聞君子進則敷教以育才
退則敷文以垂世敷教所以行道也敷文所以明道
也三吾子仕則曲成士類歸則曲成邑志非志於道
而果於爲其孰能與於此是以郡守嘉之邑令贊之
而鄉黨亦樂道之若體裁義例暨抑揚損益且載厥

志于未之盡觀也夫焉攸言嘉靖己酉桂月上浣
賜進士第前通議大夫工部右侍郎瑞石江曉撰

仁和縣志凡例

一縣志義類悉遵洪武杭州府志綱總於上目列於下前有引以敘其義其間微有不同者府志宜略縣志宜詳不容固守定規也

一縣志止載一縣之事不敢少涉司府以蹈僭越
一自成化十一年已前事蹟悉本諸本府舊志續志恐有未盡復稽咸濟臨安志餘則參諸野史雜錄或訪故老其間世遠人湮或事遺謬姑闕之耳

一凡引用諸書惟節略全文或因足以已意故于

引處皆不著其所自出

一志分野卽其列于府志者若無區別要不過具其名目耳

一志城隍非本邑自有城隍因其環府境者其間地有屬乎縣境特表而注之

一志山川無分大小凡在境內者悉載之如縣治照山亦是鳳凰山之支脈理不可遺

一志公署首列縣治次及所屬他如按察司與夫貢院教場則以寓治載之具其名耳

一志風土其風俗隨時敘列若戶口物產田土

貢稅糧課程與夫徭役糧餉則據冊籍時例載之有不載者必其無可稽也

一志鄉飲不詳其事爲其統舉于府縣志內不宜復載也

一志鄉賢凡在祠者猶鄉民在鄉也其宴飲不必以齒爲序先敘世代一世代之中齒不可考則以入祠先後爲序官爵非所論也若其賢著于鄉無人荐拔者槩列于後

一志水利惟取其有關于境內或開鑿濬治或通塞利弊若泛泛並舉無補于治

一志壇廟其祭皆府舉行但牲帛儀品出辦于本縣者不容或遺也

一志名宦先據史傳次者咸淳臨安志然後及于杭州府舊志續志其間或志有不載者必稽諸實蹟決諸輿論然後可以增入若未蓋棺亦不敢載懼其晚節或虧也

一志科貢宜註出仕履歷奈何有知有不知既無子孫可訪又無誌銘故舊可詢是以一槩不註若夫選貢楷書人材與夫經明行修蔭錄等類則附列于後

一志人物以人品類從而人品之中仍以世代爲先後府志原無文學條例茲特載者非專取其文之美也亦有行檢政蹟可稱焉耳但欠純全故立此條例以附其行檢政蹟於下不敢沒人善也

一志義夫節婦與夫孝子必據其曾經旌表獎勵或經荐拔具有成案者方載之否則不敢混錄以招物議

一志僧道而不及仙佛恐其惑世誣人也

一志墳墓以賢爲主苟非其賢例不載入

docsriver 文川网
入驻商家 古籍书城

在文川网搜索古籍书城 获取更多电子书

一志寺觀固以敕建先後為序其中又循境土分列非敕建者例附于後

一志書籍有木刻在境內曾經印行者止載其目

一志碑碣凡有關政教風俗者止載其目

一志紀遺舊府志統載紀遺今依咸清臨安志分別紀事紀文而以有關風俗政教者載之

一本府舊志續志備載 詔敕此蓋感于咸清臨安志故載之耳不知咸清志乃是京城志故及之今非京城載之為贅

一自義和以南如二察院布政司杭州府俱寓錢

塘地方故其牌坊書籍碑碣皆不收藏

下
山
系
三
江
河

乾隆杭州府志

沈朝宣字三吾仁和人以貢入京師故事貢生四月
望廷試聽翰林甲乙卽歸不得與直隸秋比朝宣負
奇氣投書吏禮二部又詣登聞院鳴鼓御史上其事
遂捷於京闈貢生得附京省試自朝宣始是年嘉靖
辛卯也數上春官不第教諭涿州其教人先德行次
經術次治事循循有條善談論援古今得失使聽者
忘倦臺使交薦遷江陵令性友愛以兄老無子請告
歸闢荒圃築精舍與兄觴飲流連至老彌篤暇日談
邑事網羅舊典採輯新聞成私志若干卷今所傳鈔

本殘缺非其舊矣


仁和縣志跋

志以紀事實而已矣文非所尚也蓋以文之麗者實
之所謂華而不實君子鄙焉惟其知勿存乎文而存
乎實故雖以愚之淺陋粗疎不文甚矣敢僭踰爲之
不然則吾邑以文名家班馬自負者今昔爭雄代各
顯著曷爲乎束手坐視漫不興懷亦知事存乎實彌
文同視此愚所以敢僭踰爲之罪可原也雖然實豈
易覈哉病在勿公而已矣弗公則情詭弗真筆阿勿
直罔以愜鄉評而取世信君子有弗貴焉愚爲是乃
上辭公給懼其或轉託也轉託則礙公矣下絕私遺

懼其或陰囑也陰囑則累公矣是以寧割已貲捐已物以期至公以期道君子之譴時或弗繼賴有甯國相近江沈公熾殊鄉耆西亭虞君相隣庠士九華畢子德倡義贊襄用俾弗困已而聞風興起者復有忻州倅台亭潘公錯輩數人量力資給義出良心思察其與是志無相顧藉成人之美者也故樂受之俾於此而復矯枉過直潔已引嫌是不免蹈陳仲子之廉而是志卒無成矣當是時愚方以遠事或湮近事或浪朝懼夕憂惟恐遺實而言之無文非所恥也用是跋於末簡以白愚僭妄之心而昭諸君子之尚義云

嘉靖二十九年龍集庚戌仲春吉日歸閒野叟仁和
沈朝宣謹跋

明嘉靖間仁和沈三吾先生以爲久已積年之功成仁和邑志十四卷無論書之何如亦勤矣哉然逡巡延至今三百四十四年未梓行也藝文書目中雖有板存家塾一語殆欲刻而未果賦不然何以自嘉靖三十八年成書後至明神宗時不及三十年已僅僅留一難得可貴之鈔本又爲錢塘邑宰周公借閱攜歸吳閩至國朝順治間求之不得迄後朱君輾轉覓得之周氏之裔而僅留殘本重加補綴蓋亦幸而存矣然仍未刻也一二鈔册珍同拱璧同里君松生富藏書得鈔册不自祕付劖劖氏精寫樣本



蓋有鑒於前此之因循而志在必刻也然訛缺過多
梓難付梓梓亦非完書光緒壬辰十二月以寫本
子校正并錢繼勳志寫本共二種子讀之聶志有舊
刻本在易校也此則副本亦訛校頗難天下事惟難
者不易爲正不可不爲否則成書在側尋行數字而
是正焉略識之無者能之奚貴哉爰於解館之暇歲
暮年初屏絕塵俗昕夕斗室中集成涓臨安志成化
府志萬曆府志及涉是書者逐卷校之正其訛補其
缺十得八九不敢云善本大謬已甚矣松丈素喜刻
前人書其敬恭梓之心尤汲汲於里閭之掌識故

杭郡掌故叢書之刻不下百數十種近梓所輯杭郡
詩續輯行將成矣此而不梓心何以安出私貲以公
同好其素志也宜其汲汲不顧訛缺先付剞劂氏工
寫樣本以固其必刻之志也行將與錢塘聶志梓行
海內官斯土者居是邦者過武林而談舊事者莫不
以先睹爲快光緒十有九年正月人日後學仁和王
同謹識

docsriver 文川网
入驻商家 古籍书城

在文川网搜索古籍书城 获取更多电子书

仁和縣志目錄

卷一

封畛

建置沿革

分野

疆界

城中境界

城

隍

坊隅

街巷

牌坊

市鎮

卷二

封畛

橋梁

山川

卷三